

Broj: 01-01.3- *Y065* /16 S.L.

Datum: 23.11.2016. godine

Na osnovu člana 17. stav (1), člana 18. i člana 25. Zakona o javnim nabavkama („Službeni glasnik BiH“ broj: 39/14 u daljem tekstu Zakon), te člana 2. i 7. Pravilnika o javnim nabavkama JP Autoceste FBiH, v.d. direktor JP „Autoceste FBiH“ d.o.o. Mostar, donosi:

ODLUKU o pokretanju postupka vanplanske javne nabavke

1. Pokreće se vanplanska javna nabavka: „Idejni projekt i studijska dokumentacija brzce ceste Travnik (petlja Nević Polje) – Jajce (petlja Bravnice privremeni spoj na M-5)“, koja će se ugovoriti putem otvorenog postupka. Kriterij dodjele ugovora je „najniža cijena“, propisan Zakonom i podzakonskim aktima za njegovo sprovođenje;
2. Procijenjena vrijednost nabavke iz tačke 1. ove odluke iznosi: 1.850.000,00 KM bez uračunatog PDV-a;
3. Služba javnih nabavki će pripremiti svu potrebnu dokumentaciju za provođenje postupka dodjele ugovora putem Otvorenog postupka utvrđenog u dijelu drugom, odjeljak C. Zakona.
5. Tenderska dokumentacija je besplatna;
6. Provođenje predmetne nabavke izvršit će Komisija za nabavke formirana od pet (5) članova u skladu sa Pravilnikom o uspostavljanju i radu komisije za nabavke (“Sl. glasnik BiH br. 103/14);
7. Komisija za nabavke izvršit će otvaranje ponuda, pregledati, ocjeniti i usporediti ponude, te dati preporuku za donošenje odluke o izboru najpovoljnijeg ponuđača ili odluke o poništenju postupka nabavke;
8. Ova odluka stupa na snagu danom donošenja.

Obrazloženje

Obzirom da do sada nije usvojen Prostorni plan Federacije BiH, koji je temeljni akt za izradu projekata, kao i da je tek u sedmom mjesecu 2016. godine usvojena “Strategija transporta” na nivou BiH, kao i jedinstvena lista prioriternih projekata, neke od aktivnosti predviđene za 2016. godinu nisu mogle biti realizovane na način na koji je to bilo predviđeno u Planu poslovanja za 2016. godinu. Shodno navedenom Uprava je donijela Odluku broj: 01-3377-3/16 od 06.10.2016. godine o usvajanju inicijative za pokretanje vanplanskih nabavki, koja se odnosi za više projekata u 2016. godini, a koji neće prouzrokovati troškove veće od ukupnih troškova projektovanja za 2016. godinu.

Jedan od projekata je i „Izrada Idejnog projekta i odgovarajućih studija brze ceste Nević Polje – Jajce, L=41 km“. Tenderska procedura je prekinuta radi promjenjenih plansko-prostornih uslova vezano za ovo područje. Početkom januara 2016. godine, Ministarstvo prometa i komunikacija BiH uvrstilo je na SEETO mrežu ovaj cestovni pravac, za koji je predviđeno popravljjanje saobraćajnih karakteristika i modernizaciju postojeće magistralne ceste M5 (E661) Banja Luka – Jajce – Lašva. Ovaj putni pravac se preklapa ili se vodi paralelno sa putnim pravcem brze ceste od Turbe-Nević Polje-Lašva. Realizacijom ovog projekta bi se umanjila fizibilnost ove brze ceste, čime bi izgradnja ove brze ceste postala upitna. Imajući u vidu gore navedeno, postoji mogućnost za dobijanje bespovratnih (grant) sredstava kojim bi se finansirala izrada određene projektne i studijske dokumentacije na ovom putnom pravcu, što znači da predmetni projektni zadatak više nije svrsishodan, pa je započeti postupak nabavke otkazan. Vezano za gore navedeno, biće pokrenut postupak javne nabavke izrade idejnog projekta ove dionice i odgovarajućih studija neophodnih za ishodovanje Urbanističke saglasnosti.

S obzirom da planom javnih nabavki za 2016. godinu nije planirana usluga: „Idejni projekt i studijska dokumentacija brzce ceste Travnik (petlja Nević Polje) – Jajce (petlja Bravnice privremeni spoj na M-5)“, odobrava se pokretanje vanplanske nabavke.

Procijenjena vrijednost nabavke je 1.850.000,00 KM, pa se nabavka razvrstava u kategoriju vrijednosnih razreda u kojem je vrijednost usluga veća od 400.000,00 KM u skladu sa članom 14. stav (5) Zakona. Postupak će se sprovesti prema odredbama Poglavlja II Zakona.

Na osnovu navedenog JP „Autoceste FBiH“ d.o.o. Mostar je pokrenulo otvoreni postupak za nabavku usluga: „Idejni projekt i studijska dokumentacija brzce ceste Travnik (petlja Nević Polje) – Jajce (petlja Bravnice privremeni spoj na M-5)“. Shodno navedenom odlučeno je kao u dispozitivu.

v.d. direktor : 




